

營建城池廨署倉廩義堂

義塚善堂義塚義莊橋渡橋堤

水利禮祀廟祠壇壝里祀

蔣光斗

學校學宮學署學額書院附賓興款

義學兵防營制驛站鋪遞歷代兵事

武進陽湖縣志

三五六

營建

大雅綿之四章曰迺疆迺里其五章卽曰俾立室家周官大司空之職曰度地居民蓋自一邑之疆域定而營建之事乃興於是有城郭廨宇廩廩橋梁溝洫之制以至善堂義塾義莊凡所以庇斯民及民之自衛與所以表名都之創制者皆有資乎工作也況我武進陽湖兩縣玉局之使艤亭與

萬壽相參金斗之城樓闕爲三吳第一遺址勝蹟歷數難終自兵燹乍遭舉目皆異井里舊制半爲丘墟今雖榛莽已除經營漸及而宮室之待繕河渠之待濬殆猶不止一二豈物力有未逮歟人

情或憚勞歟抑事之更始必際其時待其人而後克興歟備錄於斯以俟後之君子志營建

萬壽亭

萬壽亭又名皇亭在陽湖東直廂艤舟亭東康熙閒建恭候

聖駕南巡

臨幸後爲縣紳恭祝

萬壽之所

城池

城武進陽湖兩縣附治常州府城周十里二百八十四步高二丈五尺城門六東門曰通吳西門曰朝京南門曰德安小南門曰廣

化北門曰青山小北門曰和政舊有小東門曰懷德改曰中節
改廣化曰石幢後皆復舊名而懷德遂廢水關四曰東水關曰大
西水關曰小西水關曰北水關明洪武初迄

國朝雍正初專隸武進分置陽湖武進轄朝京德安廣化青山四
門大小二西水關東水關南半座陽湖轄通吳和政二門北水關
東水關北半座舊爲羅城內有內外子城唐楊行密吳天祚二年
刺史徐景邁建明洪武二年守禦湯和改建今城成化十八年知
府孫仁重修正德間知府李嵩增修嘉靖間知府金豪增修萬曆
三十年知縣晏文輝增修

國朝康熙九年重修十九年知府于琨知縣王元烜重修雍正四

年知府包括重修乾隆二十九年知府潘恂武進知縣王祖肅陽
湖知縣陳廷柱奉

旨重修咸豐十年粵匪攻陷同治三年克復巡撫李鴻章重修

城濠寬十六丈深二丈明洪武二年守禦湯和浚成化十八年知
府孫仁重浚正德七年知府李嵩重浚萬曆三十二年知府歐陽
東鳳重浚天啓二年知縣李維喬重浚

國朝乾隆二十五年知府覺羅永會重浚五十一年重浚嘉慶十
四年重浚道光十年重浚咸豐三年重浚

孟河城在武進通江鄉周六百一丈高二丈城門五東門曰
通江西門曰達潤南門曰定常小南門曰通信北門曰翊京水關

鼓樓在武進子城廂一圖甘棠橋北宋乾道間建明宣德間知府莫愚重建成化十六年知府孫仁重修宏治十一年知府曾望宏重修正德七年知府李嵩重修

國朝順治間重建康熙二十五年知府祖進朝重修乾隆九年知府董怡曾知縣王斯恩重建嘉慶十九年知府卞斌重修

外子城又名金斗城周七里三十步高二丈八尺厚二丈門四曰行春迎秋金斗北極建時未詳唐楊行密刺史張伯宗增修宋紹興二年知常州俞焄重修其金斗門卽今鼓樓

廨署

常州府知府署在武進子城廂一圖橫街唐楊行密權州事唐彥
隨建宋□□閒增建紹興閒知常州俞焱重建元至元閒重建大
德閒府判袁德麟增修明洪武四年知府孫用重建正統三年知
府莫愚增建成化十六年知府孫仁重修[宏]治十一年知府曾望
宏重修

國朝順治九年知府祖重光重修十二年知府宋之譜崔宗泰增
建十六年知府趙琪增建康熙十一年知府紀堯典增建嘉慶二
年知府胡觀瀾增修道光二十年知府毓衡增修 督糧通判署
在府署東 總捕通判署在府署西 知事署 照磨署均在府

署內

武進知縣署在武進子城廂二區唐同光間建元至元間和寔
西排灣又移建舊狀元坊明洪武四年仍移建今地宣德八年知
縣朱恕增建成化十年知縣熊翀增建正德四年知縣朱瑄增修
十五年知縣徐官增建嘉靖十四年知縣岳相重修

國朝順治十八年知縣尚昂重修康熙六年知縣劉蓀芳增修三
十年知縣王元烜增修乾隆二十年知縣田聯芳增修嘉慶十四
年知縣周煒重修道光元年知縣汪世樟重修七年知縣周琦重
修同治四年知府扎克丹重建今暫爲府署 縣丞署在縣署東
典史署在縣署西 奔牛巡檢署在武進安西鄉奔牛鎮 小
河巡檢署在武進通江鄉孟河城

陽湖知縣署在陽湖左廂白雲渡西雍正四年建同治十年重修
主簿署 典史署均在縣署東 馬蹟巡檢署在陽湖迎春鄉
馬蹟山

常州營遊擊署在陽湖左廂東獅子巷 中軍守備署在陽湖中
右廂大井里西

孟河營都司署在武進通江鄉孟河城

孟河水師營遊擊署在武進通江鄉小河鎮同治十二年建

教場在武進懷南鄉小南門尉司橋東明洪武間守禦湯和建正
德七年知府李嵩重建萬厯間知縣晏文輝增修

國朝乾隆二年知縣馮國祺增建同治四年重建爲總督提督查

閱營伍之所 小教場在陽湖左廂遊擊署後爲遊擊演兵之所

倉廩

西倉在武進懷南鄉運河南明正統五年建宏治九年知縣邱泰重修嘉靖四十年知縣楊巍茹宗舜重修萬曆二十九年知縣晏文輝重修

國朝順治間重修康熙間重修同治六年重建儲武進漕米東倉在陽湖東直廂運河南建修同西倉明成化時迄

國朝雍正初東西二倉皆隸武進分置陽湖東倉隸陽湖儲陽湖漕米

義倉在武進子城廂一圖府橫街同治十一年建儲兩縣城鄉積

穀

附已廢倉

嘗平倉武進在縣署東雍正七年建乾隆三年增建陽湖在縣署

東雍正八年建

善堂

附惜字院水龍局義井

養濟院在武進子城廂一圖天王堂巷元時建明嘉靖閒重建萬

曆二十八年知縣晏文輝重建

國朝雍正閒重修同治四年重建例有漕項恤孤銀九百十四兩
四錢五分二釐閏月加銀二十二兩一錢二分一釐口糧米一千
九百二十一石九升六勺閏月加米一百五十一石七斗五升七

合六勺額養孤貧七百七人每年人各支銀一兩二錢九分三釐
米二石八斗六升二合

育嬰堂在子城廂一圖府橫街康熙十五年建乾隆七年知府王
敏福重建同治五年重建舊有田二百五十八畝歲收租錢哺養
嬰孩分內外堂內堂設乳婦十八人日各給米八合柴菜錢十二
工錢十夏給帳冬給被外堂設乳婦二百九十一人日各給錢二
十內堂嬰孩二歲日給米一合三歲三合四歲四合五歲五合菜
錢四文外堂嬰孩哺養至四五歲畱於內堂給米撫養又新增貧
婦自乳一條照外堂給其工食衣服一年後減半三年停止又內
外堂嬰孩夏給單衣裙褲肚兜冬給棉襖裙褲帽襪今有武進各

之鄉五十四卷卷六 卷三
鄉田五百二十畝陽湖各鄉田一百九十三畝靖江縣劉聞沙田
三千三十八畝有奇內有存仁堂田一千三百九畝每年撥其租
錢二百千文同治十一年買杜孟周氏田一百一畝五分八釐陳
錫光捐田五十畝又劉聞沙宿北圩接漲蘆灘一百餘畝外有免
糧義塚十餘畝每年額征租錢三千千零二千五百六十五文市
房八所房基八區並歷年積收田租錢二千千存典歲收租息錢
給用乳婦嬰孩設養額數均未如舊

敬節堂在武進子城廂二圖十子街嘉慶元年建同治三年重建
舊有洲田市房並存典錢歲收租息錢給養節婦設正副額正額
五十人月各給錢五百副額一百人月各給錢四百廣額一百五

十月月各給錢三百又冬給寒衣贈錢今有市房六所錢三千千
存典歲收租息錢給用仍設正副額正額二十人月給錢五百副
額三十五人月給錢四百續廣額三十人月給錢三百

敬節外堂在武進西右廂西廟溝道光間建同治五年重建舊有
絲線業捐錢贍養老年節婦今有絲業建造房屋重整規約並捐
洋錢六百錢六百千存典市房一所歲收租息錢給用設正副額
正額二十人月給錢四百副額六十人月給錢三百

集義會有會錢一千四百千存典歲收息錢給貧戶生產醫藥殮
葬及被火災等用又津貼寒素讀書及因病失館失業者

保嬰保節局在武進子城廂一圖城隍廟內光緒元年新設有常

州知府每年捐錢六十千武進陽湖知縣每年各捐錢一百二十千又今任陽湖知縣吳康壽捐錢三百千縣紳糾集會銀一萬八千兩以二成存典生息保嬰八成存典生息保節並另捐各戶歲捐錢三千爲一分集有成數與以上各錢一併給用其保嬰法凡各鄉貧戶自乳子女第一月給錢八百餘月四百半年爲止遺腹子女亦第一月給錢八百餘月四百半年爲止無母子女貼乳於外者每月給錢八百一年爲止遺腹而產母病歿親族代爲撫養者亦每月給錢八百一年半爲止其保節法凡各鄉守節孀婦月各給錢五百有孀姑者加三百孀姑另有善堂領欸不加給有子女者一人加二百以兩人爲止

醫局在武進西右廂壽安堂內同治六年暫設育嬰堂有縣緝緝
集會錢五千八百千存典歲收息錢並南貨捐錢給城鄉貧民夏
間醫藥六月朔日起八月十日止

壽安堂在武進西右廂忠佑廟內道光十五年建同治十一年重
建舊有田九十畝市房四所歲收租錢並眾捐錢給貧民寒衣醫
藥棺殮及歲給月贈義塾等用今有市房四所會錢一千千存典
歲收租息並眾捐錢回贖田價錢如舊給用

普濟堂在陽湖東直廂直街乾隆三十九年建五十年增建舊有
錢九千一百千存典田六百十餘畝蘆蕩四十餘畝歲收租息錢
給養老廢孤寡老廢額六十人日各給米麥八合三勺菜錢八冬

給棉襖絮被褲褂帽襪席孤寡額一百五十人各給錢二百同治十三年暫設普濟會有田一百十四畝市房一間歲收租錢給養老廢額二十人月各給米二斗錢二百並給敬節堂未補額之節婦月米一斗

協濟堂在陽湖東二圖社廟內嘉慶十五年建同治十年重建舊有行捐舖捐船捐并存典息錢給養鰥寡孤獨今有會錢一千千存典歲收息錢如舊給用

懷仁堂在武進懷南鄉尉司橋乾隆三十一年建同治七年重建舊有市房所歲收租錢並眾捐錢給貧民棺殮義塾等用今有田二畝市房二所歲收租息錢給用未如舊